

Broj: 13-06-05-7619/08
Sarajevo, 22.04.2008.godine

Na osnovu člana 79. Zakona o socijalnoj zaštiti, zaštiti civilnih žrtava rata, zaštiti porodice sa djecom („Službene novine Kantona Sarajevo, br.16/02, 8/03, 2/06 i 21/06), Ministarstvo za rad, socijalnu politiku raseljena lica i izbjeglice Kantona Sarajevo, donosi

ODLUKU

O DAVANJU SAGLASNOSTI NA PRAVILA O IZMJENAMA I DOPUNAMA PRAVILA JAVNE USTANOVE „KANTONALNI CENTAR ZA SOCIJALNI RAD“

I


Daje se saglasnost na Pravila o izmjenama i dopunama Pravila Javne ustanove „Kantonalni centar za socijalni rad“ broj 35/X-01-530-528/08 od 12.03.2008.godine, koji je Upravni odbor ove ustanove donio na svojoj 25. sjednici, održanoj 12.03.2008.godine.

II

Ova odluka stupa na snagu danom donošenja.

Dostaviti:

1. Javna ustanove „Kantonalni centar za socijalni rad“
Sarajevo, ulica Azize Šaćirbegović broj 2,
 - direktorici,
 - Upravnom odboru,
 - Nadzornom odboru,
2. evidenciji,
3. a/a.



MINISTRICA
Emina Dubravić
Emina Dubravić, prof.



BOSNA I HERCEGOVINA
FEDERACIJA BOSNE I HERCEGOVINE
JU“KANTONALNI CENTAR ZA SOCIJALNI RAD“
SARAJEVO, ul.Azize Šaćirbegović br.2

UPRAVNI ODBOR

Broj:35/X-06-012-~~529~~/08
Sarajevo, 12.03.2008.godine

Na osnovu člana 27. stav 1. alineja 1. Zakona o ustanovama („Službeni list RBiH“ br.6/92, 8/93 i 13/94) i člana 3. stav 1. alienja 1. Poslovnika o radu Upravnog odbora, Upravni odbor na 25.sjednici održanoj 12.03.2008.godine, donio je


O d l u k u

I

Usvajaju se Pravila o izmjenama i dopunama Pravila Javne ustanove“Kantonalni centar za socijalni rad“ u tekstu ponuđenom na razmatranje.

II

Pravila o izmjenama i dopunama Pravila Javne ustanove“Kantonalni centar za socijalni rad“ stupaju na snagu danom stupanja na snagu Odluke o davanju saglasnosti na ista, od strane Ministarstva za rad, socijalnu politiku, raseljena lica i izbjeglice Kantona Sarajevo.



Predsjednik Upravnog odbora

Tomislav Mitrović
Tomislav Mitrović

Prilog:
-Pravila o izmjenama i
dopunama Pravila JU“Kantonalni
centar za socijalni rad“

Dostavljeno:
-Resorno Ministarstvo
-Upravni odbor
-Službe
-a/a

Na osnovu člana 27. stav 1. alineja 1. a u vezi člana 37. stav 1. Zakona o ustanovama („Službeni list R BiH“, broj 06/92, 08/93, i 13/94) i člana 12. Odluke o osnivanju Javne ustanove „Kantonalni centar za socijalni rad“, („Službene novine Kantona Sarajevo“, broj: 27/06, 31/07), Upravni odbor JU „Kantonalni centar za socijalni rad“, na svojoj 25 sjednici održanoj 12.03.2008. godine donio je

Pravila o izmjenama i dopunama Pravila Javne ustanove „Kantonalni centar za socijalni rad“

Član 1.

U Pravilima JU „Kantonalni centar za socijalni rad“ broj: 35/X-01-530-196/07 od 07.02.2007. godine, član 29. mijenja se i glasi:

Vlada Kantona Sarajevo će razrješiti predsjednika i člana Upravnog odbora i prije isteka mandata za koje je imenovan u sljedećim slučajevima:

- a) na njegov lični zahtjev,
- b) ako se utvrdi da je odgovoran za neuspješan ili nezakonit rad Centra
- c) ukoliko ne izvršava svoje upravljačke obaveze,
- d) u slučaju da Skupština Kantona Sarajevo, ne usvoji Izvještaj o radu sa Izvještajem o finansijskom poslovanju Centra, ako se utvrdi da je do ne usvajanja istog došlo usljed nesavjesnog ili nezakonitog rada predsjednika i člana Upravnog odbora,
- e) ako članu Upravnog odbora, imenovanom iz reda stručnih zaposlenika Centra, prestane radni odnos u Centru,
- f) u drugim slučajevima u skladu sa zakonom.

U slučaju da dođe do prijevremenog razrješavanja predsjednika i člana Upravnog odbora, Vlada Kantona Sarajevo će istovremeno imenovati novog predsjednika i člana Upravnog odbora na kraći period, najviše dva mjeseca, dok se ne provede zakonom propisan postupak konačnog imenovanja.

Član 2.

Član 41. mijenja se i glasi

Direktor-ica se imenuje na period od 4 (četiri) godine.

Direktor-ica Centra će biti razrješen-a i prije isteka mandata za koji je imenovana u sljedećim slučajevima:

- a) ako se utvrdi da je odgovoran-a za neuspješan ili nezakonit rad Centra,
- b) u slučaju da Skupština Kantona Sarajevo ne usvoji Izvještaj o radu sa Izvještajem o finansijskom poslovanju Centra, ako se utvrdi da je do ne usvajanja istog došlo usljed nesavjesnog ili nezakonitog rada direktora-ice Centra.
- c) ako se utvrdi da u svom radu krši propise ili opšte akta Centra ili ne izvršava zakonite Odluke Vlade,
- d) ako svojim nesavjesnim radom prouzrokuje Centru veću štetu, zanemaruje ili nemarno obavlja svoju dužnosti, zbog čega je nastao ili mogao nastati poremećaj u obavljanju djelatnosti Centra,
- e) na lični zahtjev direktora-ice,
- f) U drugim slučajevima predviđenim zakonom.

U slučaju razrješavanja direktora-ice, prije isteka mandata za koje je imenovan-a, Upravni odbor će raspisati Konkurs za imenovanje direktora-ice u roku od 30 dana od dana imenovanja izvršioca dužnosti direktora-ice.

U slučaju razrješenja direktora-ice, prije isteka mandata za koje je imenovan-a, Upravni odbor će raspisati Konkurs za imenovanje direktora-ice u roku od 30 dana od dana imenovanja izvršioca dužnosti direktora-ice.

U slučaju razrješenja direktora-ice iz stava 2. ovog člana isti-a se raspoređuje na radno mjestu u Centru koji odgovara njegovom/njezinom stepenu stručne spreme i radnom iskustvu određene vrste zanimanja, a u roku od 30 dana od dana razrješenja.

Član 3.

U članu 44. stav 3. se mijenja i glasi:

Imenovanje i razrješenje predsjednika i članova Nadzornog odbora vrši se na isti način i pod istim kriterijima kao i kod Upravnog odbora.

Član 4.

Ova Pravila o izmjenama i dopunama Pravila JU "Kantonalni centar za socijalni rad", stupaju na snagu, danom stupanja na snagu Odluke o davanju saglasnosti na iste od strane Ministarstva za rad, socijalnu politiku, raseljena lica i izbjeglice Kantona Sarajevo.



PREDSJEDNIK
UPRAVNOG ODBORA

Tomislav Mitrović
Tomislav Mitrović

Sarajevo, 06.03.2008. godina

PROSTOR ZA
KANTONALNI CENTAR ZA SOCIJALNI RAD
SARAJEVO
BROJ: 35/X-01-530-528/08
12-03 2008